



SA

C

Jr



SANCTISSIMI IN CHRISTO PATRIS  
ET DOMINI NOSTRI DOMINI  
**CLEMENTIS**  
DIVINA PROVIDENTIA  
**PAPÆ XIII**  
**CONSTITUTIO**

QUA  
Institutum Societatis JESU denuo approbatur.



ROMÆ

MDCCCLXV

Typis Reverendæ Cameræ Apostolicæ.

[Preliminary sketch]  
Acc. No. 306/36/32  
A



SANCTISSIMI IN CHRISTO PATRIS

ET DOMINI NOSTRI DOMINI

CLEMENTIS

DIVINA PROVIDENTIA

PAPAE XIII

CONSTITUTIO

225672

II br



ROMAE MDCCCLXX  
In Typis Reverendae Camerae Apostolicae

CL

AP

delatu

rum

deniq

minus

partes

suas

clesia

cipua

torum

isque

mnî

ampl

colen

re &

boran

cipua

omni

dala

In

ab u



A2

III.  
CLEMENTS EPISCOPUS  
SERVUS SERVORUM DEI

*Ad perpetuam rei memoriam.*

**A**postolicum pascendi Dominici Gregis munus Beatissimo Apostolo Petro Ejusque Successori Romano Pontifici delatum à Christo Domino, nulla locorum, nulla temporum conditio, nullus humanarum rerum respectus, nulla denique ratio circumscribere aut suspendere potest, quominus idem Romanus Pontifex ad omnes ejusdem officii partes, nullâ ex iis prætermittâ, nullâ neglectâ, curas suas dirigere debeat, atque omnibus incurrentibus in Ecclesia necessitatibus providere. Harum partium inter præcipuas postrema non est Regularium Ordinum approbatorum ab Apostolica sede tutelam gerere, ac fortibus, piisque Viris, qui eisdem Regularibus Ordinibus sese solemnî Sacramentô addixerunt, suamque pro tuenda, atque amplificanda Catholica Religione, agrôque Dominico excolendo, strenuam operam impendunt, alacritatem addere & animum, languidos & infirmos excitare, & corroborare, jacentibus afflictisque consolationem afferre, præcipue verò ab Ecclesia fidei suæ & custodiæ concredita, omnia, quæ in animarum ruinam in dies suboriuntur, scandala summovere.

Institutum Societatis JESU ab Homine conditum, cui ab universali Ecclesia idem, qui Sanctis Viris cultus, & honor



#### IV.

honor tribuitur, à felicis recordationis Prædecessoribus No-  
 stris Paulo III. & Julio itidem III. Paulo IV. Gregorio  
 XIII. & Gregorio XIV. Paulo V. diligenti examine per-  
 pensum, approbatum, sæpiùs confirmatum, & ab iisdem  
 pluribûsque alijs ad novemdecim Prædecessoribus Nostri  
 ornatum peculiaribus favoribus & gratiis; Episcoporum  
 non modò hujus, sed superiorum etiã ætatum præconio  
 commendatum, ut maximè frugiferum, & fructuosum,  
 & ad promovendum Dei cultum, honorem, & gloriam,  
 æternãque animarum salutem procurandam aptissimum;  
 potentissimorum piissimorûmque Regum, & clarissimorum  
 in Christiana Republica Principum præsidio, & tutela  
 usque munitum; cujus ex disciplina novem prodiere viri  
 in Sanctorum, vel Beatorum numerum relati, quorum  
 tres Martyrii gloriam sunt consecuti; à pluribus Sancti-  
 tate claris viris, quos Beatos in Cælo novimus sempiterna per-  
 frui gloria, collaudatum; quod Ecclesia universa longò du-  
 orum seculorum spatiò in suo sinu aluit & fovit, ejûsque  
 Professoribus præcipuam sacri ministerii partem semper  
 commisit magno cum emolumento animarum; quod ipsa  
 denique Catholica Ecclesia in Tridentina Synodo decla-  
 ravit ut pium; hoc idem Institutum, novissimè fuerunt,  
 qui per pravas interpretationes, tum privatis sermonibus,  
 tum scriptis etiã Typis in lucem editis irreligiosum &  
 impium appellare, contumeliis lacerare, probro & igno-  
 minia afficere non sunt veriti, atque eò devenerunt, ut  
 privata sua non contenti opinione, hujusmodi virus de Re-  
 gione in Regionem, nullis non adhibitis artibus, derivare,  
 atque



## V.

atque undequaque diffundere sint aggressi, neque adhuc cessant, incautis, si quos inveniant, Christi fidelibus, ut in proprios pertrahant sensus, subdolè propinare: Quò in Ecclesiam Dei nihil injurium magis, nihil contumeliosius, quasi adeò erraverit turpiter, ut, quod impium, & irreligiosum est, solemniter existimaverit Deo carum & pium, eoque decepta sit flagitiosus, quò diuturnius ad annos scilicet amplius ducentos, cum maximo animarum detrimento, sinui suo tantam hærere labem, & maculam sustinuerit. Huic tanto malo, quòd eò longius dissimulatum, tantò altius radices agit, virésque acquirit in dies, diutius differre remedium Justitia, quæ sua cuique asserere, & fortiter tueri jubet, & Pastoralis Nostra erga Ecclesiam sollicitudo non finit.

Ut igitur tam gravem injuriam à Sponsa Ecclesia Divinitus Nobis concredita, atque etiam ab hac Apostolica Sede propulsemus, & hujusmodi injustas, irreligiosasque voces in animarum perniciem, & seductionem, & contra omnes æqui, bonique rationes longè latèque diffusas, Nostra Authoritate Apostolica compescamus: Ut Clericis Regularibus Societatis Jesu, id à Nobis pro justitia exigentibus, suus maneat status, eadem Nostra Authoritate firmius constabilitus; eorùmque nunc temporis summè afflictis rebus aliquod afferamus levamen: Ut demum Venerabilium Fratrum Nostrorum Episcoporum, qui ex omnibus Regionibus Catholicis eandem Societatem Nobis per literas magnopere commendârunt, & ex ea maximas utilitates in suis quisque Dioecesibus se capere profitentur,  
justis



## VI

iustis desideriis obsecundemus; Motu proprio, & ex certa  
 scientia, deque Apostolica potestatis plenitudine, omnium  
 Prædecessorum Nostrorum inharendo vestigiis, hac Nostra  
 perpetuò valitura Constitutione, eodem modo, ratione &  
 forma, quibus ipsi edixerunt & declarârunt, Nos quo-  
 que edicimus, & declaramus, Institutum Societatis JESU  
 summopere redolere pietatem & sanctitatem, tum ob præ-  
 cipuum finem, quò maxime spectat, defensionem scilicet,  
 propagationemque Catholicæ Religionis, tum ob media,  
 quæ adhibet ad ejusmodi finem consequendum, quod vel  
 ipsa Nos hactenus docuit experientia; cum ex eadem di-  
 sciplina tam multos ad hanc usque ætatem prodiisse novi-  
 mus Orthodoxæ Fidei propugnatores, sacrosque præcones,  
 qui invicto animi robore terra marique subière pericula,  
 ut ad gentes immanitate barbaras evangelicæ doctrinæ  
 lumen afferrent, & quotquot idem profitentur laudabile  
 Institutum, partim intentos juventuti Religione & bonis  
 Artibus erudiendæ, partim operam dare spiritualibus exer-  
 citiis tradendis, partim assiduè versari in Sacramentis,  
 præcipuè Pœnitentiæ & Eucharistiæ administrandis, & ad  
 eorum frequentiorem usum Fidelibus excitandis; tum ho-  
 mines in agris degentes Divini Verbi pabulo recreare; ac  
 propterea idem Institutum Societatis JESU ad hæc exi-  
 mia perpetranda, Divinâ Providentiâ excitatum, Ipsi quo-  
 que approbamus, & Prædecessorum Nostrorum approba-  
 tiones ejusdem Instituti, Apostolica Autoritate Nostra  
 confirmamus. Vota, quibus iidem Clerici Regulares So-  
 cietatis JESU juxta idem eorum Institutum se devovent

Deo



## VII.

Deo, grata illi & accepta esse declaramus: spiritualia exercitia, quæ ab iisdem Clericis Regularibus traduntur Fidelibus, à mundi strepitu semotis per dies aliquot, ut de æterna sui ipsorum salute seriò & unice cogitent, ut maxime conducibilia ad reformandos mores, & ad Christianam pietatem hauriendam nutriendamque, magnopere probamus, & laudamus: Congregationes præterea, seu sodalitia, non modò adolescentium, qui ad scholas ventitant Societatis JESU, sed quævis alia, sive scholarium tantum, sive aliorum Christi fidelium tantum, sive utrorumque simul sub Invocatione Beatæ Mariæ, seu quovis alio titulo erecta, & quæ in iis pia opera ferventi studio exercentur, probamus, præcipuamque erga Beatam Dei Genitricem semper Virginem Mariam devotionem, quæ in iis Sodalitiis alitur, & promovetur, magnopere commendamus, Nostrorumque fel. record. Prædecessorum Gregorii XIII. Sixti V. Gregorii XV. et Benedicti XIV. Constitutiones, quibûs ea Sodalitia approbârunt, Nos Apostolica Auctoritate Nostra confirmamus, cæterâsque omnes Constitutiones à Romanis Pontificibus Prædecessoribus Nostris in ejusdem Instituti Societatis JESU functionum approbationem, et laudem conditas, quarum singulas hîc volumus haberi pro insertis, Auctoritate itidem Nobis à Deo tradita, Apostolicæ confirmationis Nostræ robore, per hanc Nostram Constitutionem, munitas volumus, et, si opus sit, velut à Nobis ex integro conditas, editâsque censerî præcipimus, et mandamus.

Nulli ergo omnino hominum liceat hanc paginam Nostræ

Typis Stanislaus Stachowicz S. R. M. Typ. appro-



VIII.

approbationis, et confirmationis infringere, vel ei ausu temerario contraire: si quis autem hoc attentare præsumpserit, indignationem Omnipotentis Dei, et Beatorum Petri et Pauli Apostolorum ejus, se noverit incursum.

Datum Romæ apud Sanctam Mariam Majorem, Anno Incarnationis Dominicæ Millesimo Septingentesimo Sexagesimo Quarto, Septimo Idus Januarii, Pontificatûs Nostri Anno Septimo.

C. Card. Pro-Datarius.

N. Card. Antonellus.

VISA

De Curia J. Manassei.

L. Eugenius.

Loco † Plumbi.

*Registrata in Secretaria Brevium.*

REIMPRIMATUR.

FRANCISCUS POTKANSKI Suffrag.: Official: Cracov:

mpp

Cracoviæ Typis Stanislai Stachowicz S. R. M. Typ:





ei ausu  
præsum-  
rum Pe-  
rum.  
a, Anno  
no Sexa-  
tûs No-  
tonellus.

ugenius.

Cracov:

pp.

Typ:

Biblioteka Jagiellońska



star0026046



